

pak na thilpiak piakdaw na hun le ala mang hi. Puitu thugen-na nei te lak ah Rev. Dr. Kh. Khaizakham in Vaiphei Holy Bible thak hi mat leh matlo ding in buai angai puai, version hi hau in hau phawt phawt leu hin, kua tawbang unau khat athu chia dan hethiam zolo khat to in le version chuamchuam te chu chawikhawm in ama leh ama aki panpi thei ta ding ahi. Gam changkang taktak te'n le Version ahau in ahau khawp ua,

CKKP SAINA AH KHUT NGEI AH BIBLE ZIKSUAK NA:

CKKP committee lem-gel na dungzui ah Kochuam sung ah khanglai te lak ah Pathian apat theina te sua ah, Aamin lopi na ding leh chawihawi ah aum thei na ding ah mani khut ngei ah Bible ziksuak thei i um diam uh aw ti ah ala gen-git ua kipat in, Pathian matchak khanglai dawi um leh tawmngai taktak te apat in dawnhu na ala um ngal in, genkhak ah aum hun ningkum apat tuni tiang ahin mani khut ngei ah Bible Thiangtho thu mal khat cha le sukhial lo hial ah hun zikzo

zia te tho ma chu mang in ei un le I la le tho uh ahi ti'n mipite chu a su bengvak mama ahi.

Bible lettu (L) Upa Kai-hau Vaiphei IDAS in ahunlo tak ah eila liam san ta maleh, asulnung ah ama chung ah kipakthu genna leh ama chawisan na thei umsun ti in KSP ai-aw in Rev. Siam Phaltual in Memento piakdaw na le anei ahi. Tichun, Pathian mapui na zal in programme chu lawting tak ah zaw ala hi tai.

khanglai tawmngai 3 (pathum) te pakchat na sangpen ipiak ban un, Pathian in a hithei na teu ale tamzaw ah malsawm ta hen ti idawisak nau i lan ui.

Zia cheng ahin aki bangnai puai, tu leh tu ahin le mani khut ngei ah zik zing lai khanglai huntiang tak aum nalai ui ti hiat ahi zik in lungdam um diak ah, pathian in amau puihuai zing henla, hun zikzo ngeingei ding in lalpa'n hatna leh theina pezawm zel taken ti in ipauchap pi zing ding uh ahi.

Editorial:...

‘Nute hi thil bangkim ah bulpi ahi ui.’

Nu kiti hi Khawvel ah thumal mantam pente lak ah khat ahi. Nu dinmun kiti hile thil bailam tak gual in aki lang sek ah, maleh, atak gam achun ala bailam hial pua, dinmun lauthawn umtak leh dawi umtak mai, ngaisan umtak dinmun pha leh pawimaw takmai khat ala hi.

Nu bei in thil bangma ahithe i taktak puai. Kipak ni'n le ‘Henu! Ka kipak taluai!’ ti ahia, Da hun in le ‘Henu! Ka da taluai/ Henu ana taluai! tite hi ala umsa khat ahi. Zia thakhatlo kiko daw hunte ahin le a ziltitu a Nu kampau leh awphawi in ahung gi daw sek hi. Teksia te'n “*Sakhi api asan leh ano le asan tei sek*” ala ti ukha aguituna ahisek ahi.

Mihiam khat in Khawvel vâk ahun mu ni apat ah amelhiat masak pen chu a Nu ahi. Zia ni akipat chun a Nu um chan leh tawidan te chu ahun en tawn pan ah, a paunâmthaak te leh a tawi leh chan leh amaisua ah kilang alungput dan te tiang in naupang chun a hun enzui to pan ngal ahi tai. Thuching

chawm khat chun, *Mi lawting pa lia achun mutheilo in Nu pakhat in ala tu zui zing ahi* ti ala um hi. Nu thuhil na ngaisak leh zui thiam mi chu a lawting teitei sek ngal ah, Zi ginum tak lunggel atak chansaktu pawsal chu Pa lawting ahi kit zel hi. Naupang in hileh piting in hileh, Nu chu et tawn pen in ala nei zing him sek hi ti hi nial na bei ahi.

Nu ginum leh Pathian ah kinga zo zing chu bangtik in le a kiletsak ngai pua, a sep daw te ka sep dawsa ahi ati ngai pua, Nu mantam tak chun bangtik inle a lungsiat man ditkit ding in adawn ngai puai. Dawt chi ala hi ta mawng leh le, Abraham Lincoln chun, ‘Leibat dit ding hileng, ka nu leibat dit ka

huphul pen hi 'ala ti ahi. Nu te lungsiatna mantam dan gensenlo leh sutzawlo ahi dan aki lang hi.

Thomas Edison chun, a Nu ngaidan te kha phapen ahi zing dan agen sek ah, Tulai mi khenkhat te gual ah dik leh diklo leh a Nu thugen ahi nak leh mawk pawng panpi ziang mai chu ala hilo hial ding ahi. Zia gual ah genphat thei ah um Nu ei uh lak ahin bang zat vel aki simdawk zo diam maw? Sim ding ki hitaleh zia te lak ah chun kuakua I pang kha nadiam uh maw? Khawvel mihi-am lungthim neucha put ah ka Nu ahiman ah ka genphat ah ka panpi ziang leh chu ka Nu le pang kha na'n tin, hilehle piting tak ah mitin pawmtak leh sawisel na bei Nu ahi na em la Nu chu? ti hi dawtna lianpi ala um ahi. Nu ten le zia dawtna lianpi hi ei uh le ei uh ki dawng sek leu hin, Insung nuam leh lawting suangdawk ngei ding ihu.

Eve ngei kha le vak genkha leu hin, Numei pha chu ala hisamlo ding ahinai. Aziak

chu a pawsal leh a Pathian kal ua Setan mun awng awttu ala hi kha ahi. Tulai nu khenkhat te vangsiat dan a kihiatdaw lo uchu, a pawsal ngailai leh a gochan teu kâl ah Lucifer lopina ding ah matchak hawitak ah pang, awl cha' kisuangla lohial ah kithawl Gul a ding ah panmun ala guanpiak sek hi ahi. Zia hi kuama'n amawk hiatdaw ngai puau hi.

Nute pilvan akul in apawimaw tak zet hi. DL Moody chun, *Mi zosia hi ka nu gual chiat hileu, suangkul siam ngai khel pua'n ah* ala tia, Tulai Nu tamzawte hi la, Suangkul bep hitalo ah kumtuang gawtmun ah lut ding mi su pungtu maimai ah pang tamzaw ta tileu hin khial lawmlawm lo ding ihu.

Insung thu ah thil lemchanglo, thu kumlui khat ala umsa gengen ziang Nu, Pawsal lungnatlo lai ah le lungnat kai-phuang thei, Chate lak ah le insung thului damhuailo tak-takte gen ah chate thinlung thi-angtho lai subuaktu Nu hikhak

S.T.Liana Salem PC in ahun tuak ah, tuhin achung khu zaw ahi ta, lungdam a um ah, Lalpa lopi na chang hen! Zia gual ah mitawmngai inei teu hi mal-sawmtu Lalpa zâl ahi zia in

Pathian chu a beltak him ahi ti akilang in, lungdam aum diak sek hi. Lalpa'n Upa ST Liana leh a insung mite ale tamzaw'n mal-sawm ta hen ti I dawisak nau I lân ui.

TOWN DISTRICT PASTOR QUARTERS DING:

Hun bang tik ahem ma-sang apat KSP Standing Committee in Town District Pastors' Quarters ding ala buaipi zing chung ah Commission ala din te panlak na zal in achiata nisim 27/4/2018 ni khan District Centre Nghathal mun ah Town District Pastors' Quarters ding

chu chawk daw ahi tai. Sawmdawltu Pathian zal ah zia tiang hi tung thei ihu ti ihiat in Ama chung ah kipakthu I genlo thei lo uh ahi. Maban ah bawzui ngai um nalaite le fel leh kitup tak ah ahun cha'h sukfel pai ahi thei ngei na ding in I pauchap nau in delzui zing hitiu.

VAIPHEI HOLY BIBLE HAWNNA NEIZAW HITA :

Achiata nisim 30th April 2018 (Seppatni) khan Vaiphei Community Centre Hall, Bethel Veng, CCPur ah Vaiphei Holy Bible (PATHIAN THU THIANGTHO) thak (L) Upa Kaihau Vaiphei IDAS in ala ledaw chu Khuga Sadar Presbytery malak na nuai in Rev. Haulalven in hawndaw na leh Pathian kiang ah latna ala nei tai. Zia hun ahin mipi tamtak chia khawm in, Vaiphei sung

ah Kochuam leh pawl tin apat Puitu ten le uap in, thugen na hun te amang ui. Zia hun ahin Pu P.Vaiphei IAS s/o (L) Upa Kaihau Vaiphei IDAS in Innei lam apat thugenna hunmang in, Bible lettu apian na pa (L) Upa Kaihau in Bible hawn hun tak leh gen ding ah ala ziklawksa thucha lungthim khawikha tak kawm in simthak na le ala nei ahi. Chun Bible ledaw hun lai ah panpitu phate chung ah ki-

KSP DIARY :**HOUSE VISIT CHUNGCHANG AH****SEMINAR NEI ZAW HITTA:**

KSP Standing Committee phasak na dungzui ah House Visit /Bial fan chung chang ah seminar nei ding ti ah thupuk-na ala umsa dungzui in Dt. 6th April ni khan HQ. Church Tu-ibuang ah Seminar chu nei ala

ahia, lawting tak in Pathian ma-pui na zal in zaw ala hi tai. Zia hun ahin Upa Tualzakap, Secy. (Sr) KSP chu Resource person in ala pang ah, Kochuam Upa te leh Pastor te tamkhawp tak ala pangthei ui.

TISPARI M/F AH EVANGELIST TEACHER THAK :

Presbytery in Mission Field ah inei uh mun pawimaw mama ziang Tispari mun ah Evangelist Teacher ding mi aki pawimaw mama lai ah, Pathian apat kona leh sawlna chang ah, atak hunsua ah, asejna mun masa leh thalaw tamzaw na mun hun nusia ah hung ki pedaw mai nungak suanum leh ettawntak Nk. LalRemi @ C Remi d/o Upa Khamthang, Nghathal PC i nei zia un kipak um isa takzet ua, zia gual thil lopi tak ei guan piaktu Lal-

pa lopina chang hen! Pathian in ama pui zing henla, asepn leh bawl te zosia in asiamtu Pathian in amâ pui piak zing hen ti hi I pauchap piak nau ahi.

Tu leh tu ah Tispari Mission Field mun ah Evan. Teacher I nei teu chu (i) Mr. Lamlunson (ii) Mrs. Abonmei Wuinilung leh (iii) Miss. C. Remi te ahiu. Lalpa'n Ama lopina Ga tamtak hun sua sak ngei dingin a malzawl na tamtak tawh puihuai zing taau hen ti i dawisak nau i lan ui.

TISPARI MISSION FIELD QUARTERS A DING AH LANGVA:

Tispari Mission Field ah semtu te ading ah I thei khamchiat ua ila pankhawm nau zal

ah ala ki gunggal leh sak zinglai Quarters achung ding Langva chu akul leh pawimaw zat Upa

alau um khawp mai hi. Nung et lo ding hun lai ah ki khawhiat sak ah nunglam ngat ti vel hi chiinlo ding ahi dan Lota zi apat zillai I mu sa uh ahi tai.

Leisiat ah Nute mantam leh lungsiat um zia kua hem a gen zo ding? Mihiam ah I hung kizil til ua pat in An leh tui te dulo leh nethei lo hial khawp in ei la zen pan ua, a gilpi sung un tha kua zen ei la kaw l tûp ua, zia zaw achun thisan naisan tawh khawvel vak muthei ding in vawnchawi dawi um tak mai in ei la nei ua, Nausen tidawng

dikdiak ihi un le huisia tuisia lak ah pat in ei la veng pha in I damdaw tei na ding un ei la veng tûp uh ahi.

Numei in a cha nawichep lai a hemil thei ngai em? Ama sùl ah piang ngei chu, Lainat na neilo in um thei ding ahem? Ahi, Nute mi lungsiat na thûk dan leh khawtua dan thûk tak hi sut seng puai tiu. Sutzaw di gual ahipuai. Nute chu thil-bangkim kipatna bulpi ahi ui.

R&D BUILDING SAKZAW VANG HI TA :

Jubilee veng, Tuithanak District, KSP ah Relief and Development (R&D) malak na nuai ah In ki sa zing lai chu Pathian ma-pui na zal in sak zawm zel ahia, tuhin sakzaw vang ahi ta, May tha sung ahin sak zaw hita ding ah kinep aum hi. Pathian in ei puihuai zel kinem in sakzaw ahi tak leh lua ziang thei ding ah guanggal na um ahi tai. Ahun cha ah sakzaw ahi ah kitup tak ah lua ahi ngal thei na ding in i pauchap na teu in delzui zing hi tiu.

Mangthaite hawl a hukdam ding in Mihiam Chapa hi hung him ahi atia.

~ Upa S.T. Liana

Pathian misiam leichung mihing te'n, Lalpa Pathian apatin gitlo I bawl na ziak un, eisiamtu Pathian taw ki timat na abei ta. I Pathian uh lungthim chu ana. Van hinna kawt chu akhak ta, iki mat kit thei nading un, sualna neilou a chapa pakhat nei sun Jesu chu, zia khawvel a amisiam ten ama Pathian angsung a van hinna I chan kit theina ding un, Lalpa Jesu ahun sawl chun. Van hinna thu kum tamlou lei mihing te kiang ah a gen nung in. Jesu Khris-ta chun mite huatna te, doilonate, eimau mihiam te chung a bek te haw chu ama chung a Pathian in bel in, gilo te leh hing taklou gual in ngai in, mat a um in vaihawm te kiangin piakdaw ahi tai. Vaihawm te chun, Dr Bruce Corley (DTH) (New Testament) Sut dan in Lalpa Jesu mat ahilai in Thiampu lian(Lui) ama kiang a pui masak pen ahi. Zia zaw chun Kaiapha thiampu lian kiang a pui ahi kit hi.

Zia zaw achun aman tu hawm nau a chun a thiamlo na te'n nasatak ah a soisak nung mulo pi pi'n Kraws a khetden un khua a hung vak kuan in ding in a pedawk tau a. Amak in San-hedrin te kiang a pui kitin. a lamdang ahi. Aziak chu thiam A soisa kit ua. Khua ahung vak lo na um lo a Kraws ah khetden phat in Pilat kiang a pui ahi. maichu. Chun Pilat kiang a pat in Herod I Bible chang taklat ma kiang ah a pui ua. Herod in a sak pen in, Mangthaite hawla gitlona a mupua, Pilat kiang a hukdam ding in mihiam chapa a sawl kit ah, Pilat in thutawp hi hung him ahi ati kha, Lalpa bawl in Kraws a khetden ding Jesu vaihawm te ma anga dinsak in a pedawk ta. Lei leh van Lal ah a um lai hun kha Israel nam Chapa Jesu hi chu lei lalten vai a (Juda) te di'n Kut mat hun ding

21. La taksa bâk khat, mutheilo la nâkgu, muthei ah la zi ah hung kisiam ahi tâk ziak in la lungsiat diak sek ding ahi.
22. A pianna insung leh aphunggui mansua hial ah nang hun bel ah, Thisan naisan tawh gochan hun hin piak ah, Pa ting hun sua la zi chu nangma taksa bak gual ngei in la diam ding ahi.;
23. Khawlai ah mizite lak ah aum phat leh tai hiau hiau zing mai, Insung ah azi kiang atun tak leh a lungna sa, aw sâng zing sek Pa khel ah pa tinglo leh mivangsia umlo ahi.
24. Nang Pa pen, khawlai dung ah thulak theilo hial khawp ah la um thânhuai zing sek ziak in, la zi leh cha ten a nisin hinkhua uh zachat na'n amang zing sek ui.
25. Pa ting ah hun siamtu Pathian kiang in kipak thu gen chawl ngailo in gen zawm zel in.

'DAMNA AW' PATRON MEMBER MASA PEN:

Pathian, Ama tak ngei leh a Kochuam chanchin thezakna matchak I neisun uh, I hawmthaw mama u leh I dawisak mama uh DAMNA AW, Pathian puihuai na tawh hawitak leh kitup tak ah achia zawm zel thei na ding ah dawisak tu, lawi upa suanum a kihawl zing lai in, Pu P. Vaiphei IAS in ₹. 3,000/- pia in Patron Member in ei hun pan piak ah, Patron Member masa pen hina achang ta mai ah, kipak aum mama hi. Gam leh Nam

ading ah theitawp asua na ban ah tawmngai tak ah DAMNA AW Patron member te map-uipa ahung hi na chung ahin Editorial Board te'n lunggil tak in ka kipak nau ka hun puang ui. Pathian in ama leh a insung mite Puihuai in lamzan zing ziang hen ti hi I pauchap piak nau ahi. Ama gual ah tawmngai ah kipia zo ding Lalpa'n ei piak belap zel thei na ding in Pauchapna'n delzui zing hitiu.

chenlo bep ah kibâk ki pawsal sak mamate khel ah numei zaw umlo ahiu.

12. La zi leh chate tawh la ki gamlat phawt ua leh Tangval lai hinkhua mang maisek ding ah kilawm la kisa nalai himhim em?
13. Huntin ah lakhut ah lachawi zing leh la hiatmil theilo, minute khatziang cha le la chawilo theilo ah la gel la Phone sang ah chun, la zi lunggel hiatthiam gua zaw zing sek in.
14. La zi in nisin matchak ding sum leh pai ahun hawlpi theilo zia in simmaw bawl thim zing sek ki'n aw, Nang bel ah khutngawn ah hung lut ahidan la hetsa ahi ngal ah,
15. Insung leh khawtang ah aki matchâk ding la mawk zâkda sek zia ah, lazi in mi lungthim abat zawlo nate simmawna ah la nei zel naklai sek chu dik in la gel na em?
16. La zi in a sepman lo leh asukkhial khak te zia in la hânkhum zing sek ah, nang sukkhial khâkte ah la ki thiamchan zel sek kha thil kilawm him in la gel em?
17. La zi leh cha lungmawl takte khawhelo ah la âng ah ipmu litlit te chu, ahun petu zal chauh ah zia tiang chu tung ahiu ti la gel daw in la pauchap zing sek nai maw;
18. Diklo tak ah lalut ah zi leh chate vâkva sek ah, mite mitmu ah kilawm tak ah cheimawi zing sek Pa la hi chun, la tunung Gu ding la hedawk nai pua hi'n ah, bawlzawm chi hikhello ahi;
19. Kochuam leh khawtang siamphat na ding ah mawpuak na nei Pa ting khat ah la ki gel chun, amasa pen in la zi chu lungsiat in duat bawl masa phawt himhim le chun, la vei leh chang ah lapuk khak pal ni leh ahun kai ding tu ding chu la zi ma kha ala hi zaw ding ahi.
20. La zi tawh nitum in tha la kuan khawm ua, la zi le nang chawl gual tho in achawl ve ah, vaitun hun in la nek leh chak ding ahun bawlpiak kit ah, nang la ki chawldam hiau maisek kha, pawsal tingte um dan ding in akilawm puai.

ahita, a zing khua hung vak leh, Kut matna hun kipan ding ahi tai.

Zia hun lai khan Rome Government suangkul sung achun, migilo tawp khawk, gitlo ah minthang, tualthat milau um leh government leh mipi zosia'n gitlo na huaisia nei angai Barabba thi tâk chu suangkul sung in atâng ahi. Ama chu khawvel a thiam chan na din beisei leh kinep na nei lou ukil (advocate) thiam leh panpitu tenle panpi leh hukdaw thei lo ah angai tak uchu vanlal chapa migilo tawp khawk Barabba taw kua zawk gilo lo a ngai ah tha dawking adiam ti ah vaihawmtu Piilat chun mipi te ma' buktua ahi lai in Jesu chu Barabba sang ah doilo zawk in a um in Kraws akhetden ding in piak daw in a um ah, gilo tawp khawk tualthat Barabba chu suangkul a pat in thadaw ahi ta, amak khawp mai, Barabba suangkul a pat thadaw ahi thei na Jesu Kraws a khet den ahi zia ahi ti chu Good Friday thuken thupi chu ahi. Zia zia chun

Jesu migilo ten damna achan na ding ua leh Van hinna lei mihing ten I chan na ding ua Jesu chun I thiamlo na zia ua thiamlo chan sak ahi ti chu Pathian Bible thu in imu him ahi.

La phuak tu, thagau mite'n, zia gual hi'n a mu u ahi. *Thisan go Thisan go van kawt ei hawn piak pa*, zia lo chun *Thisan go Thisan go thing Khraws chung ah luang kha, gitlo lak a eitan gitlo thiam ei chan sak*. Thagau mi ten a tiu ahi maw! Zialo chun le, Aw Tang hawi Kalvari. Mite'n mutawm maeu, Tang dang zosia sang in. kei chun ka ngai na pen, Aw limna tang. Aw mun thiang ho Pathian thisan a luan na chu a tiu ahi.

Pathian in ka chapa chun ka tan zo tai Lal Pathian in ati, a gitlo nau le bawsiatnau chu hezing ta pu'ng ka, Ka chapa chun a tan zotai. Lal Pathian in a ti. Pathian ngaidamna zia gual lawm a Khrista hung kipiak na thu hin la thinlung sunggil in tu chung Good Friday la mat na hin la ngai tua dawking thak em?

Mihing lam ka et in fel-

na, thianthona, dikna, neilo. Barabba in a fello na a nei zosia suangkul a ngak lawna gitlona te chu Khrista chung a bel gual in Jesu chu kraws a khetden ahi ta. Ama Barabba chun zalen na amuta ahi.

Lekha zia k thiam le Historian ten zia gual hin a zia k uh ahi. Thiamlo changta suangkul sunga um Barabba in thiamchang a tha daw ahi tak zia k chun, a thiamhanna Jesu chu Kalvari tang ah aki khenden thiamlo chansak midik Jesu chu va en in. Jesu Kraws chung a nat gen thei tawp khawk thuak ah a taksa pumpi thisan in a tuam mai chu a va mu in a ngaitua na'n Khrista chu a thiam chan na ahi ti hian Khrista Kraws ma chun gitlo thupha thinlung sunga a chawita Kraws ah khet den Jesu chu a suachak na leh a hin na ahi tichu a mu chian ta ahi.

Barabba sual hinkhua chu sualna neilo Khirsta chun a lungchhang sung chu a lua ta, Khrista chu za na apia ama Barabba lungchang sung chun Jesu chu a cheng ta ahi.

Migilo Barabba lungchhang sung a chun midik thiamlo na neilo Jesu chu a hung um ta ahi. Midam theite'n doctor a ngai puau ah, midam theilo ten doctor a ngai ahi kha.

Aw le la hinkhua hin Lalpa Jesu nung la zui na le a na la sep na hin Jesu lungthim le mitmei la veng nam? Aleh Jesu na sep na society a pang ve monthly pay bep maw la et?

Zia te zosia chu ngai tua thak in I Lalpa Jesu ma'n khupdin in pauchap thak in Lalpan ma'n. Mitthi pum a tute chun a kipak tak in at in au.'Aw le tuchung Good Friday bangtin la mang em?

Nu ni mat tha ahi tawh kitawn ah Pate kiang ah thuthawt pawimaw khenkhatte :

~~Upa P. Boijoy Vaiphei

Nuni mat tha ahi tawh kitawn ah Nute chawisan thei na ding leh Nupan kal afel leh nawp zawk na ding ah thu pawimaw tamtak genlat I nuam ui, ahinla tuchung ahin thildang te nusia in anuai ahin Pate adi bik in thuthawt pawimaw vak simsuk khawm hitiu in, mang phachuam ngei ding in ngaitua na pia thak ding in iki chial ngal ui.

1. La zi kha Numei ahi nai ti'n ngaitawm maisek ki'n,
2. Numei luchang chu pawsal ahi nai ti bep petcha zing mai ki'n,
3. Zite mimal buaina ah va ki sakla takluat chu pawsal huai lo talua ahia, zia gual hethiam thei te chu pawsal ting tak ahi zawsek ui.
4. Pilat in a Zi thugen limsaklo ah thu diklo tak ah ala tan gual akhan, Nang in le la zi thugen limsaklo in kawi mai sek ki'n.
5. La zi tuaidawn lai melhawina kha geldawk zing sek lechun ngai leh etchim ni nei ngai pu'a la.
6. La zi in ahun hil na umkha te chu nang bang gual ah la u zia k ah ahisek em ti ngaitua zing kawm in ki siamphat na'n mat guazaw'n,
7. Lawi leh pai lak ah aki lakzaw beklo zia k in thasân thei in maw gel ziang ki'n. Nang puihuai ngai ala hizaw ding ahi.
8. Pathian in zi ah ahun piak tak chu Ama lopina hun chawisan pi ding ah ala guat ahi zia kin, bang chu bang hitaleh, la zi chu la ngaisang pen him ding ahi.
9. La zi nunglam simmaw tak ah bawl ding ah mâkpa hilo lahi ti hezing in aw, Ki pawsal sak takluat hi pawsal ting tak hi na ding ah taksapna ala hizaw sek hi.
10. Zite thuzaw thei pawsal kiti hi pawsal ting tak hizaw ahiu ti hemil ngai ki'n.
11. Nupân pankhawm thei chu thilpha ahi nai ti thu ah zite nik-

Vak ngaitua him tia le, nang leh kei mangthai ah, kumtuang gawtmun ah genthei huaisia tak thuak kumkhua ding ah I um lai ah ei la khawtua mama ah, Kumtuang hintui luanzing na, a gam nawp leh mawidan taksa gam kampau ah gen thei leh genzaw chi hilo, Kumtuang lungmuanna kipakum tak mai ei chansaktu Lalpa leh I Pathian uh, zia gual dinmun phatak leh kipak um takmai ah ei la dinsaktu Pathian phat zia tak chu; Nang leh kei hi mawk kipil sak ah, mawk kithiamchan zing mai nalai ding ah chu guat ala hikhello I hi. Ki ngaitua thak kit

tiam hitiu e;

Eimau insung chiat ah kile kit ah, Lal Jesu ei thuvaithak gual ngei ah, I insung mite cheng leh unau gammang nalai te â ding ah athak in, Pathian suang in pauchap thak kit hitiu in, Eimau leh eimau chiat ki velpha chiat in, Pa'n ei la guatpiak Chapa Jesu Christ ei thuvaithak te hemil lo ta ham ding in leh, A lunglam chu hi chiat zing thei ta ding in Lalpa'n athak in ei mal-sawm chiat ta u hen!

“Mihing in atam a hinpi ah, Sa nga in a tam a thipi hi”

~Pro.Pastor Lienthienmang.

Tulai hindan tamtak I et ahileh, mitamtak ngaidan le hiding in ginchak aum in, mihing hinkhua ah bangkim hi society type in achia ta'n mani chau ah ahem ahiloleh in sung khat mai ahem, be khat mai ahem ah chia leh ki vaihawp ringawt hi le ahi theilo natiang ahung um ta'n, Kochuam I ti le society khat ahia, chun Tribe denominization ah achiana tiang le atam mama tai, ziaziak-chun politics ah lunglut ki lehin le politics ei ah alunglut ziak in I ki kawichuam theilo uh ahi, zia bep chu hilo in Kochuam hile political administration leh political orgination khat ahi ziak in alotheilo suak ahitai. Zia chu ei uh Manipur context in aki lang diak hi. Zia ziak tak chun masang lai pi leh puten ala gen sek uh “*Mihing in atam ahin pi ua, Sanga (Fish) in atam athipi hi*” ti thupil hin tawm cha'n vak holim leu hin ti dawina ziak in zia thupi hi ka hung tel ahi.

Zia thupi hi I hiatthiam na di'n, masanglai ah gingtute hinkhua kha vak enthak leu hin, Khristian hung kipat dan leh kipatna dikpen het hilo maleh, mithiam tamtak te ngaidan in Jesu Khrista kha Khristian hung pandawk tu ahi ti'n a pawm det ua. Himahleh, amin Khristian hung kipatna vang chu Antioch khua a Jesu nungzuite kha Kristian ti'n ala ko uh ahi (Nasepte 11:26). Zia hi first century ma-

sang lai ahita'n, ahi'n Jesu van ah akalto nung ahi. Zia kipat hin Khristian ti min hung kipan bep ahi.

Masanglai ah Kristiantie'n ala habawl pen lak ua khat chu pankhawm ahi. Zia pankhawmna zâl ah chun hak-satna le gentheina tamtak kâl ah Khristian kiti tuni tiang in western (Marlam) gam ahin atam pen pen ahi nalai ui. Rome Lal leh thil bawl thei tak Nero (64-

68) ah kipat in Diocletian (284-305) tiang in suk genthei leh tha ala hui ah, zia gual lawm lawm ah haksatna leh gentheina ala thuak Khristiante kha bei mai ahem, mang ziang ahem leh kilawm, ahinla thilmak deu mai chu zia gual lawm lawm a haksatna thuak le tha ala hih nung ua mang ahem bei ahem ziang lo ah tuni tiang ah ahung khandaw nau zia hi tamtak genting um in ah, Himaleh apipen le apawimaw pen te lak ah khat chu pankhawm dan ala thiam zia uh ahi I tilo theilo ahi. Khristian te kha khawi mun in um uh hen lang, khawi ah chia leu le a Khristian chanpi teu chu amau a ding a tawsawt tu le unau diktak khoi a um leulepanpi tu ahi zing zia uh ahi. Sukgenthei leh Khristiante thana ahung bei ah khan Khristian te â din zalenna ahung um ah, zia hunlai tak khan Kristiante a ding in vangam khawvel ah teplawk tawh kibang ahiu ti leng kiti khial lo mai thei ahi. Khristian kha Gamsung sakhua ah pawm ahia, sakhawdang bang-

ma pawm hilo ahi. Kochuam dan chu dan ahia, Kochuam chu thunei pen leh lalpen ala hi.

Ahinla, thil pawm mama khat chu Kochuam sungah kituaklona leh dawisak chuam a hung um ah khan, Kochuam kha pani (two) in ahung kikhen ah, zia te chu Roman Catholic leh Eastern Orthodox Kochuam te ahiu. Zia kikhen hun hi 'Great Schism' le ala kiti ahi. Zia hun laitak ah Kochuam kikhen zia ahin Muslim Lalten Khristiante ahung do ua, tamtak athat ua, Khristian gam tamtak alakpiak ua, Jerusalem na tiang le Muslim te khutnuai ah hun-sawtpi ala um ahi kha. Zia hun ah khan ala pang khawm hileu zia Muslim Lal te kha ala zo intiu in, tuah Muslim gam tamtak te hi Khristian gam hi'ntin, haksatna tamtak sukbei leh hiveng hiding in ginchak aum hi. Zia zaw nung hin Khristiante a ding in kikhenna thupitak ala umkit ah, zia chu 'Reformation' period kha ahi, zia Reformation period ah kipat ahin denomination tamtak ahung piang ah, gindan

na leh ki muanna him a la nei diak puai, A Lal zia leh a thilbawl thei zia a suang diak puai, kingai niam tak mai in ' He pa nang in lem la ti ah ahi leh' ala ti bep nalai ahi.

Mat ahi ding zan ah zankhawvâk ah vaihawmna mun chuamchuam ah te Juda sakhua puitute, thiampu liante kiang ah te, Kaiapha kiang ah te, Sanhedrin masang vaihawmna mun ah te tut in ala um ah, Zia zaw ah chun Pilat kiang in apui ua, Galili mi ahi ti ahia un, Galili gam awptu Herod chu Jerusalem ah a umpet ahiziakin ama kiang na tiang in le ala pui ua, Herod in Pilat kiang in ala sawl kit ah, tikhan, zankhua'n khawdung khawvai in kai lumlet leh nawlumlet in ala um ah. Tulai migilo kimante tawh vak te leu hin, mun khat apat mun dang khat ah achia sawn kâllak cheng ua a zêpsek ding dân uh vak ngaitua tia, A nat thawk chu a huaisiat ding dan maw; tulai ah kiman te gual ah Court ah hek ding ah Security ven bit na nuai ah lopi awm takah Gari

te ah kitawl velvel ala hilo hial ding ahi.

Jerusalem khua apat Golgotha mualvum chan gilkiel leh dangchâk in, thavâi genthei tak in a ki khaikâng na ding Khros chu puazo talo hial khawp in haksat genthei huaisia takmai chu ala thuak ahi. Zân ah apauchap lai ah akhawsaul thisan ah hung luang dawh hial ziang kha vak gel kit tia, zia hun ahin chu athavai in a basam ta him ding ahi, A Khros chu a pawzo talo him ding ahi. Hosiat na huaisia leh sâng pen in a hosiau ah, sawitheh na chi tin in a sawi tau ah, Mihiam natthawk zaw khel lam tiang natna huaisia tak a la thuak ta, Zia gual tiang ah genthei beidawn huaisia tak athawk lai achun le a thiamthu leh dikna thu himhim ala gen diak pua, anung ah a nat thawk leh gimzia enzolo leh ama ngai ah kap leh mau numei te kiang zawk achun "Aw Jerusalem Chanute haw, kei â ding in kap ki unla, nang uh leh la chateu â ding in kap zaw tau in; (Luk23:28) ala ti nalai ahi.

A melman hial tiang inle "Nang uh leh la chateu a ding in kap zaw tau in" ala ti nalai hi;

April issue *sutzopna..*

Mihiam hi na leh Pathian hi na bukim tak ah kithuam zing Lal Jesu chu thavâi tak in Khawvel ahin a hung suk ah, Mite mu ah kilawm limthaw mai in ala um ngai puai. Eihaw nat thawk ding cheng a hung thuak ta', eihaw gilkiak sik cheng a hung thuak ah, eihaw lungkham-na ding cheng le a hung thuak ta', Gethsemani huan ah thavâi tak ah a pauchap lai ah khan le leisiat chung ah mihiamte thawk khaklo nat huaisia tak ala thuak ahi. Pauchap gim talua ta in, a khawsaulte chu apangai gual hitalo in, thisan in ahung va hial ziang tai', Thisan khawsaul ah luanghial ziang la mu kha ngai em? La ngaitua na a chun thil umthei in la gel him-him em? Taksa ah chun ama leh ama chu banggual tuk in a la kisawi ta diam maw? Lunggim leh chawl talua ah a thisan guite a zâm ding gual ah zâm talo ah,

~~~ Upa P.Boijoy Vaiphei

thisan aluan ding gual ah luangtalo ah, A ulsa chu thisan ah luang daw k hial mai ala hi ei ve. A taksa chu banggual bep in a zawi tha ta mai diam leh maw...; Zia thisan kha nang leh kei a ding ah hung luang ala hi. Ei khawtua bêkbêk lo hileh, zia gual khawp ah lunggim tak ah pauchap na kha ala nei ding in la ging cha ngai em? Ginchak a um lo hial ahi. Zia haw zozai kha ei lungsiat leh ei khawtua bêkbêk ziak ahi ve maw;

Zia gual tuk ah huphul um a sak mama ziang, a thil tuak ding apat a ki awndaw thei na ding ah van ah A Pa kiang ah a dawt lai ah khanle, ateitei ding in bang ma a la gen ngam diak lo ahi. Van ah Pa lunglo lam genkhak ding leh bawldaw khak ding kha lau in a la lau ahi zia Thisan luan zan ah chun; Zep liam lo satliamlo ah Thisan aluan hial tak nung in le kisan

kituaklou, chawndan kituaklo leh dawidan kibanglo Kochuam tamtak ahung um ta'n. Masang ah kikhenna (Great Schism) sang ah khan buai a um zaw tai. Zia kikhen na ziak hin ki huat-na, kithana, ki mudana tam tak apian sak ah, tuni tiang ahin Khristian te lak ah kituaklona tamtak a umden tai.

Tuni'n Khristian Kochuam kituaklo bangzat I um ding awm? Doctrine kibatlo ziak ah suapi sanggam tawh ki homat thei talo bangzat I um ding awm? Zia te cheng cheng chu haisan in tuni'n I gennawp pen chu bang ziak ah doctrine hi kikhen sak I hiu em ti hi dawtna liantak ka dawt nuam chu ahi. Masang ah khan Khristian te khan political affiliation ahem, political power pakhat le anei puai. Zia political power nei theina ding ah khan amau ah ki pumkhatna kha apawimaw penpen a hung suak ah. zia kipumkhatna kha khawi political authority ziak ahem hilo in "Unity through Church Politics". Zia hunlai khan Khristian

tiante kha mi tawmcha ahiu ah, mi lak ah le gen kham lo ahiu. Ahinla ettawn tak mama khat chu, aki pumkhat nau kha 'secular political unity' hilo in 'unity through church politics' ahiziak in amau â di'n adet diak in apha diak hileh kilawm ahi. Zia hin ei context or dinmun tawh kituak zil ding tamtak ei nutsia ah, Kochuam kituaklo, semkhawm theilo, kigense tua, dawisakchuam nei leh adang dang te a um phat leh Kochuam akek sek in, Kochuam bep hilo in Nam sung natiang â din le si-atna ahi sek hi, Kochuam kituak tak ah Lalpa na I sep phat le khantona leh changkân na tawh Pathian in mal eisawm piak sek hi. "Lalpa nasem utlo gam le nam chu suk mangthai hi'n ah" ti ahin, Kochuamin Lalpa na I sem nau em? I gam leh nampi â din I Kochuam in I pang nam ki ngaitua hun ahi. I political dinmun te et in leh I nam dinmun I et leh pankhawm I pawimawh zia nasatak in akilang ah, ahinla thilpawimama khat chu pangkhawm theilo nam I

hi uhi ahi, I tu le cha leh I su-  
anteu â ding in thilpawi zawd-  
iak ahung hikhak ding lau a um  
khawp mai hi. Khangthak te'n  
ka pi leh puteu in thilpha ei si-  
ampiak ti gen ding neilo in zia  
kituaklo na hi ka pi leh puteu ah  
kipat ka laksawn uh ahi ati khak  
ding uh lau a um mama ahi.

Tuni'n gel thak kit in,  
khang kikhel zo ding ahitai. Mi  
namdang te pang khawmsau  
sau ta, kengkhat ah ding in hak-  
sat genthei leh nawpni dani â  
din ka Nam, ka Kochuam ti thei  
ta uh, ei uh la bang ti di? Nga

gual ah I tam uh thipi leng mi  
ngawl pen te lak ah ngawlpen  
ki hilo ding ahem? Pangkhawm  
in siampha leng en mang man  
ki lehin le I suanteu â ding ah-  
chun zia sang ah thil kipak um  
zaw chu bang ahem um chuam  
ding? Zia hi Society leh Organi-  
zation chuam chuam inle abawl  
thei ui, ahin vang ken chu Ko-  
chuam ah kipat hileh, zia sang  
ah dawium zaw leh pha zaw chu  
um in ka he puai.

**VAIPHEI HOLY BIBLE THAK CHAWKTHEI ZING;**

Kum bangzat ahem chiata ah eima pau ngei ah bailam tak  
ah vak sim ziang thei ding Holy Bible (Pathian Lekhabu Thiangtho)  
ila ki taksap mama lai ua, ngaikhawk tak mai ah (L) Upa Kaihau  
Vaiphei in mani sakhau sawk ah ahun ledaw leh sukdaw tak chu,  
a hawanna leh latna ila nei tak nung un tu hin KSP OFFICE, Tui-  
buang mun ah Office Hour sung cheng in chawk zing thei ding in  
a um tai.

Ala kitasam mama chu hingei hitiu. Copy tamtak zawkdaw  
ahi ngal ta mai hi. A Cover colour chi li (4) ah kibawl ahia, daw-  
idan tel thei ahi lai in, Cover Black te abei ngal tai. A chaw masa,  
dawitel kichawk masa hi mai ding ihu.

**“LA DAMSUNG IN LA HUNTAWP DING GEL IN”**

~~Tv. Nanglemsiam, Tangmual

La damsung hun chawmcha sung ah la thilbawl te apat ga  
hung pawt ding chun khawitak mun ahun tut diam ti la ki ngaitua  
kha tam? Thugentu 12:8 chun”Bangkim hih bangma lo mai mai  
ahia, thil zosia hile bangmalo maimai ahi” ala ti ahi. Bangmalo  
maimai i buaipei ziaak ua i huntawp ding uh gel phalo ah i um khak  
ding chu lau a um na ding e maw....;

Khawvel ah mi zosia  
hin LAMPI pani i nei chiat  
ua, HINNA LAMPI le THINA  
LAMPI ahi. Gingtu khat ihi ziaak  
ua Hinna lampi zawt ziang sa'n  
ki ngai mai puai tiu. I huntawp  
ding gel chianlo ihi khak chun  
THINA lampi haw kawm ah  
Hinna lampi gal mu le ihi mai-  
thei ahi. Tuni hin la lampi za-  
wtna chu a tawp la tunna ding  
tiang ngaitua in la, Hinna la mu  
ding leh tu sang ah hawizaw ah  
zawt in la , Thina la gal mu ahi  
chun la tunna chan chun hun  
sak mai in, la kisik lona ding in.

Lei taksa ah i khaw-  
sak nau in le i mu ngei ding ua  
ginchak um chu, lekha thiam  
mama te, lawtinna changtute  
haw hih ahi.Amau haw hinle a  
huntawp lam ua aga luak ding  
uh ngaitua leh gel zing pum ah  
ahinkhua uh mang ahiu em ti  
le i gel uh ngai ahi. Gingtu khat  
ihi chun, i ngaitua ding leh i

gel ding ah pawimaw pen chu  
“ Khut ah saklo, Van khawpi”  
chu ka In ding ahi tia hattak leh  
hangsan tak ah kal i suan ding  
hih ahi.

I damsung ua eima  
huntawp chiat ding gel hi akul  
takzet ta ahi. Mi huntawp ding  
buaipi ah eima huntawp ding  
mu chianlo ah umkhak ding  
chu alau um mama ahi. Gingtu  
hi ngal ah, ginglo tute tawh i  
tunna ding mun aki bat khak  
ding chu zachak um tak hi ding  
ahi.

Thugentu thiamtak khat  
in Pathian thu agen chu kua  
ahem khat tawh buk tua ki'n,  
atawp leh nang tawh kibuk tua  
hemil kha'n la tin. la buk te sang  
in la sel niam zaw kha ding ahi.

I damsung ua i huntawp  
ding uh gel chian thei chiat ding  
in Lalpa'n athu ei malsawm piak  
ta hen!